

2015



Reisgids van SOCIÉITÉ DE FLARUSSEN



*Kôm mei met de Flarussen
en vergaet alle zörg!*

*Stap in beej de Flarussen,
efkes d'r tösse oët!*

Domaine
du Verdôme



Van de veurzitter

“Veurzitter” wilt volges d’n Dieke van Dale zegge: “Hoof van ein vereinigung, dae de leiding haet beej een vergadering.”

Sôms mösse as veurzitter daadwerkelik waal ens veurop laupe um ’t ein of ander te regele. Ein dink is mich in de jaore det ik veurzitter bin opgevalle: Weej zien neet allein ein vereinigung, maar onderhand een groëte femilie. Det is aan vuul dinger te merke, zoeas de samewerking tösse speulers, minse van de kleier, grime, attribute en de decorbouwers. En det mak dich gruets as veurzitter van zôn vereining.

Ik zoel dan auch zegge: “Kôm mei!”, de titel van ’t nieje stök. Laot ôg meineme door de Flarussen en geneet van dees veurstelling met verrassende en nieje elemente. Netuurlik velt d’r deze aovend einen hielen haup te lache, en det is gezônd, wie ge weit.

Dit alles kinne we meugelik make door ôg, de bezeukers, maar auch door ’t groëte aantal sponsors det weej hebbe. Daorum wil ik langs deze waeg alle sponsors (financieel of facilitair) hertelik bedanke. Weej haope det we nog jaore op ôg meuge raeckene, zoëdet dae lach heej in Bliërick neet verlaore geit.

Gerard Gielen, veurzitter met 'nne groëte glimlach

Wie gebroeklik haet iddere vereinigung ein bestuur det de zake regelt en op gangk helt. Beej de oprichting haet ôs bestuur zich veurgenaome um neet op de veurgrônd, maar achter de scherme te werke. Meschien vraog ge ôg aaf: “Wat duit zôn bestuur dan eigelik?”

Nou: vergadere, en waal iddere derde woensdaag van de maond. Det deurt meistal neet langer as anderhalf oor. As d’r weer ein niej stök aankump waere d’r kontakte gelag met ’t Raodhoës, de minse van ’t leech, ’t geluud, ’t decor en gangk zoë maar door. Aafgelaupe seizoen kwaam d’r nog wat extra’s beej van waege de filmopnames.

Det liek dök van “Aoh, det regele we waal efkes...”, maar de werkelikheid is, det dreej persoëne twië maond d’r mei bezig waare.

Nao Frankriëk.

(Fernando - Abba)

Jao de mûs toch wat verzinne,
As ’t nimmer geit wie det ’t eigelik zoël môtte gaon,
Jao dan geisse plusse, minne,
Asse niks miér te verleere hebs, gen bein um op te staon,
En meschien dinke weej strakkes:
hadde weej det al vuul iérder maar gedaon.

Weej beginne saame zie aan zie, Weer gans op nie,
in Frankriëk.
Auk al wuurd det nog zôn hard gekneur, Weej gaon d’r veur,
In Frankriëk.
En as geej benield ziet wie det geit, kôm dan maar kiëke,
Want weej waere dao, de’s gen gezwam, Mesjeu, Madam,
In Frankriëk

Jao de mûs toch wat verzinne,
En zôn Frans kampeerterrein det is mich bes waal good bekind,
Jao dan geisse plusse, minne,
Och, dao bin ik zônder miér in ein paar waeke good gewind,
Met dae franse slaag van mich, dao
kôm ik op die camping toch al gauw ein ind.



Alles kos tiëd en “efkes” is in de praktijk noeit “efkes”.
Ik bin d’r dan auch gruets op det ik in dit bestuur meug fungere as veurzitter. ’t Is ein team det good samewerk, nao ein luustert en creatief is in ’t zeuke van oplossinge.

Gerard Gielen, 'nne gruetse veurzitter

SPONSOR

‘T RAODHOES

SPONSOR


PRISMA
SOLAR-PROJECTS

Wae schrief dae blyf

Weej 'de schriëvers' hebbe neet altiēd 'n antwoord klaor. As weej de ierste kiér beejein kômme, zitte weej met 'nne hielen haup vraoge. Hebbe weej 'n verhaol? Wao gaon de liedjes euver en wat is de roēje draod?

- Waorum môt dae draod trouwes altiēd roēd ziën?
- As ik zeg det d'n hemel oēt 400 biljoen sterre besteit, gluive ze det, en as ik zeg det de deur geverf is, môtte ze altiēd iêrs veule?
- Waorum besteit citroenlimmenaad oēt kunsmatige middele en zit d'r in aafwasmiddel echte citroen?
- Laeve getrouwde minse langer, of dinke ze det allein maar?
- Waorum llop dien neus, en ruïke dien veut?
- Asse 'nne smurf wurgs, welke kleur krieg dae dan?
- As kenienepuetjes gelök bringe, wat is d'r dan met dae knien gebeurd?
- Wie wet 'nne blinde, det hae ziën vot good haet aafgevaeg?
- Wie wet 'n thermoskan of d'n drank kalt of werm mot blieve?
- Waorum krimpe schäöp neet as 't raegent?
- Waorum guef 'n antwoordapparaat noejts antwoord as ik iets vraog?

En det zien nog maar 11 vraoge, wao weej in dit theaterstök gen antwoord op kôste gaeve, laot staon det we d'r ein liedje van kôste make. Toch winse weej ôg 'nne schoene avond.

Willem Gerats en Wil Coopmans (teks)
Peter Jansen (liedjes)



SPONSOR

■ ALUMINIUM
■ RVS
■ KOPER
■ MESSING
■ BRONS

Metaalketen Zuid

SPECIAAL STERK IN Aluminium



Leef Flarusser publiek,

Fijn det weej ôg weer meuge verwelkômme beej ôs veurstellinge. We neme ôg mei, zoëas de titel al zaet. Verwikkelinge, veuroordeile, maar ook weer 't zeuke naor de lol in 't laeve die we allemaal nuedig hebbe um te relativere.

Nao jaorelang beejein te hebbe gewoënd, geit ein gezin emigrere naor Frankriëk, aangezeen Frans zien werk verlaore haet en gen toekôms miér zuut in Nederland. Wae kump d'r dan in eur hoës woëne? Haopelik waal 'n stel wat beej eur instantie verdreetig veur de achterbliëvers, maar dan zeen ze ouk de veurdeile. Frans en Ada zeen sinds lange tiëd weer de zônnige kant van 't laeve en goodkaup vakantie viere is ouk neet gek!

Maar ja, veur 't zoë wiëd is.....

Paula Nelissen, Flarusser regisseuse

Ik heb de waereld gezeen.

(Ich hab'die Liebe gesehn - Vicky Leandros)

Ik heb de wereld gezeen,
Van gans dao baove wies 't zuuje,
Maar Bliërick luet zich neet verduuje,
Want altiēd kwaam ik truuk, desnoëds op de kneen,
Of storm, of raegen, ônwaersbuuje,
Ik woel nao Bliërick truuk, wao de zôn oeft scheen.

Wao-se auk bis, de waereld is 't zellefde,
Wao-se auk bis, de vinds d'r gennen thoës,
En idders kiér, al is 't auk d'n twelfde,
Dan wilse deep van binne gaer nao hoës

Ik heb de wereld gezeen,
Haos idder land heb ik bekeke,
Auk in de allermoeiste streke,
Woel ik nao Bliërick truuk, desnoëds op de kneen,
Wao ik auk waas is mich gebleke
Ik woel nao Bliërick truuk, wao de zôn oeft scheen.



ADVERTENTIE

CAFÉ | FEESTZAAL

Boostenhof

Een garantie voor Gastvrijheid, Kwaliteit & Service!

Bezoek onze website: www.boostenhof.nl

Hertog Jan

Café Feestzaal Boostenhof
Heymansstraat 125
5927 NP Venlo-Boekend
Tel. 077 382 21 08

Kleiding en grime



Linksbaove nao rechts beneeje:
Hans Heuvelmans, Emelie Dorsers,
Ruuth Lucassen, José Janssen,
Wil Lucassen, Renée Beelen,
Susan Bosman en José Dückers



Vlak nao de vastelaovend beginne alweer de iérste veur bereidinge veur ein nieje veurstelling van de Flarussen. Naodet 't script is gepris senteerd gaon weej as grime- en kleiergroep drök aan de slaag um te ônderzeuke welke kleier passe beej welke rol.

Dit jaor zien weej gestart met 't make van ein 'mood-board' veur iddere individuele speuler/rol. Dit waar erg kwant um te doon en vol enthousiasme zien weej daonao aan de slaag gegaon um de juuste kleier per rol beejein te zeuke. Dit is een hiel proces det in good euverleg met elkaar, de speulers en de regisseuse geit.

Met de juuste kleier, grime en haor lök 't iddere speuler baeter um zien karakter tot 'laeve' te laote kômme. Veur de veurstelling zien weej as groep as iérste in 't Raodhoës um alles klaor te zette en de speulers oppe tiëd in de grime en kleier te helpe. Vaak is dit ein moment veur de speulers um efkes eur zenuwe van zich aaf te praoe of juus tot rös te kômme en zich weer in te laeve in eur rol.

Ouk tiëdes de veurstelling môtte d'r nog speulers umgekleid waere of umgeschminck. Soms is dit sekôndewerk en de's iddere kiër weer kwant, as 't lök! Weej haope det geej net zoë geneet van dees veurstelling as weej.

Susan Bosman, names de grime- en kleiergroep

SPONSOR

AB
luminiumSolar

Det zien vuul stein, meneer (Vous permettez monsieur - Adamo)

Goojendaag beste luuj van dees straat,
Kiëk det hoës det heej moei stieit te priëke,
Det kwaam ik mich heej efkes bekiëke,
Want det leek mich nog lang neet zoë kwaod.
Jao ik woel mich d'r ens aan gaon waoge,
Maar ik twiefelde stiekem toch nog,
En noow ik 't veurgood heb gekoch,
Noow begin ik mich aaf te vraoge:
Det zien vuul stein, meneer, vuul van boëte, vuul van binne,
Det dao zoevuul stein in kinne, dao môt ik nog ef aan winne,
Det zien vuul stein, meneer,
Det geldt veur allemaol dees pendjes,
't Is zund van al die centjes,
Want ik mis toch waal die bendjes

Jao 't leek mich ein hiel good idee,
Ein ech hoës um veurgood in te woëne,
Maar noow bin ik toch waal in de boëne,
En ik dink beej mich zellef ojee,
'k Zal ôg zegge waat mich gaar neet zinde,
Jao det waas op zichzelf erg genôg,
Want wie lang en wie good ik auk zôch
Nörjes kôs ik d'n trekhaok heej vinde,
Det zien vuul stein, meneer, vuul van boëte, vuul van binne,
Det dao zoevuul stein in kinne, dao môt ik nog ef aan winne,
Det zien vuul stein, meneer,
Vind 't ech waal kiele kiele,
Want dit haet neet det mobiele,
Och wat mis ik toch die wiele
En ik zeen auk gen ventiele,
Och wat mis ik toch die wiele



SPONSOR

cas

exhibition partners



Kôm maar mei

(Rockin' all over the world - Status Quo)

Weej laote eur dao toch neet zitte in euren driët,
We gaon helpe, weej hebbe d'n tiëd,
Kôm dan gaon we richting Frankriëk, fijn met de bus,

Wie miér d'r meigaon wie goodkauper det 't dan wuurd,
Alles mei, jao de godganse buurt
Kôm dan gaon we richting Frankriëk, fijn met de bus,

Kôm maar mei
Kôm maar mei
Kôm maar mei
Kôm maar mei
Kôm maar allemaol mei
Jao, allemaol mei
En dan gaon we richting Frankriëk, fijn met de bus.



Wat mich betref is idderein dao van de partie,
Make weej Roetje Giele auk blie,
Kôm dan gaon we richting Frankriëk, fijn met de bus,

En zien we met tevuul, dan hebbe weej ein idee
Pakse zoë maar ein bus nog d'r beej
Kôm dan gaon we richting Frankriëk, fijn met de bus,

Kôm maar mei
Kôm maar mei
Kôm maar mei
Kôm maar mei
Kôm maar allemaol mei
Jao, allemaol mei
En dan gaon we richting Frankriëk, fijn met de bus.

ADVERTENTIE

Banaan heure!
€3,- per tros

ADVERTENTIE

**Leuke badmutse
in de aanbieding
beej de Badmuts**

ADVERTENTIE

Peddele met de kano! (excl. dames)

Decorbouw



Staond: Daan Caris, Jeroen Heuvelmans, Henk Holthuijsen, Gerard Gielen, Jack Arts, Ted Cornelissen, Hans Kuipers Zittend: Wil Coopmans, Mark Caris en Koen Haeijen. Hans Heuvelmans en Leo Janssen staan neet op de foto.

Grenzelooz

Jao, beste minse, dees editie gaon we euver de pâöl. Decorbouwers en changeurs wiste de juuste grenze te bepaole, maar neet die van 't decor of van de techniek, daor krieg geej de extra's die geej van ôs gewind ziet. Zonder 't paspoort te gebroëke hebbe we de waan kinne creëre det ge same met ôs in 't boëteland ziet. Geneet, want alles kump veurbeej; bekinde buurtjes, bedscènes, 't witte dook en andere technische hoëgstandjes... D'r zien changeurs die as figurant meispeule op de buun. 't Meis gruets zien weej op ôzze Leo Janssen, dae ôndanks zien gebôdenheid dao beej zal zien. Vuul plezeer! Oh jao... as geej ôs neet kint vinde, dan ligge we achter de schutting te bakke in de zôn...

Ted Cornelissen, names de decorgroep



SPONSOR

SPAETER Duisburg
Wir handeln für Ihren Erfolg



Aafbestelle

(Glad all over - the Dave Clark five)

De pestoér môt 't weite,
En d'n ambtenaer,
Jao, zoë ligge de feite,
Nae, dao gaon we neet haer.

Ik zeg dich: aafbestelle,
't is veurbeej, gank maar belle,
Niks te mare, aafbestelle,
't geit neet door, 't geit neet door.

Gen confetti-geklater
En auk genne chauffeur,
En dae raodhoës-oëtbater
Dae waas toch al te deur

Ik zeg dich: aafbestelle,
't is veurbeej, gank maar belle,
Niks te mare, aafbestelle,
't geit neet door, 't geit neet door

Diene ringk doon ik noow gaer van de hand,
Net as dae zet ik dich noow aan de kant, jao aan de kant,

't Orkès vond ik naatje,
Maar die kômme veur nop,
En dae knöl van 't slaatje
Bel ik zellef waal op.

Ik zeg dich: aafbestelle,
't is veurbeej, gank maar belle,
Niks te mare, aafbestelle,
't geit neet door, 't geit neet door



SPONSOR

NIBO[®] STONE
natuursteen

Rekwisiete



Links Marijke Caris en rechts Hermien Gielen

Iddere veurstelling opniej zien d'r rekwierte nuedig. As ierste make weej dan ouk een liës, nao aanleiding van ut script, wat weej zoe allemaal nuedig motté hebbé. Ut script, wat weej zoe allemaal nuedig motté hebbé. Daornao is er un euverleg met Paula, de regiseuse en de minse van ut decor. Dök blik det die liës aangevold of veranderd môt waere. Dan gaon weej op paad. Idder jaor opniej struine weej verschillende locaties en bedriëve aaf met de vraog of ze wat grei veur de Flarussen euver hebbé.

Dan geisse zelf op vakantie nao Frankriëk. Det kwaam de Flarussen good oët, want dao hebbé weej allerhands zomerspulle gekoch veur op ôs podiumcamping: Franse krante, folders en fleskes Orangina.

Kôffers die we nuedig hebbé zien door verschillende leje van de zölder gehaold en waere gebroek veur de busreis. Ouk tièdes de veurstellinge zelf zien weej nog steeds drök bezig want beej elke veurstelling zörge weej d'r ouk veur det alles op de juuste plaats stelt en de kapotte dinge vervange of gemak waere. Zoëdet de speulers d'r in de volgende veurstelling gen las van hebbé. En as letste der mot ouk waere opgeruumd.

Al met al een ziér oëtgebreide en intensieve bezigheid, maar weej motté zegge det weej dit met ut grutste plezier veur de Flarussen doon.

Hermien Gielen en Marijke Caris, rekwiète



Zoel die bus waal kômme?

(Kleine jodeljongen - Manke Nelis)

Haet det dingk meschien waal pech dan? Of neet?
Isse sôms al hiel lang weg dan? Of Neet?
Of is dae chauffeur sôms slech dan? Of neet?
Wae wet wao aan 't leet?

Aoh, zoel die bus waal kômme,
Det is noow net 't stômme,
Noow de groeten daag is aangebraoke,
Dink ik: Is det waal good aafgespraak?
Aoh, langer dan we dachte,
Staan weej noow al te wachte,
Det is onderhand, ens kiëke, jao bekant ein halfe oor,
Tieje, staon weej heej te lieje,
Wies det dae aan kump rieje
Of geit 't gaar neet door.

Steite örges um d'n hook dan? Of neet?
Staan weej gaar neet in zien book dan? Of neet?
Is dae eigelik waal klook dan? Of neet?
Wae wet wao aan 't leet?



Gasvrouwe



Weej wille ôs efkes aan ôg veurstelle. Weej zien de gasvrouwe van de Flarussen.

Ôs take zien: Ôg welkôm heite, ôg de waeg wiëze en beej vraoge of probleme same met ôg een oplossing zeuke. Weej haope det weej daomei ein beejdrage kinne leveren aan eine geweldige avond.

*Ine Kohlen, Erny Theelen en Hilde Rayer
Gasvrouwe*

ADVERTENTIE



Met diene bloëte cent in 't zand

SPONSOR



Wae speult wae?



Eduard (Edje) korporaal buitendienst
Hae dink aaf en toe det hae nog in 't leger zit.
Geef aahe!

Peter Haanen



Sjaan
Getrouwde met Sef. Wuurt knettergek van zien dochter en dae zwerver.

Christa Jeurssen




Daakloze
Kump aanweije en wilt neet miér weg. "Ik vind 't waal gezellig heej beej ôg op 't plantsoen".

Herman Houkes



Louise
Getrouwde met Eduard. Krieg aaf en toe knuuip van dae militair in hoës.

Resy Wolters



Sef
Getrouwde met Sjaan. Helt waal van 'n geintje en guuef zien dochter weg.

Wim Janssen



Anita
Is neet op zien mundje gevalle en haet metein zien antwoord klaor.

Annet Hermans



Hayke
Helt van zwumme, kanoë en 'n geintje. Haet 'n 10 veur maete.

Daan Caris



Nelke
Dochter van Sef en Sjaan. Zien klep steit neet stil en het is hendig met breeve schriëve.

Amanda Crombach



Sjonne
Ierlik en helt van vette friet met wat d'r beej. Is gek op sieske, snuobelke of wölske.

Ruud Geeraets



Lieske
Helt net as zien broor van 'n geintje en stelt de artieste op eur gemaak.

Imke Caris



Ineke
Dochter van Sef en Sjaan. Bak ze aaf en toe broën en geit gaer 'n stökske renne.

Lonneke van Doorn




Ada
Getrouwde met Frans en vertrek same met um, um örges anders 't gelök te vinde.

Lonneke Gielen



Nathalie
Vreejgezellige lieràres Frans die stevig aan 't dete is.

Ingrid van Heijster



Opa
Opa van Nelke en Ineke. Slechte auge maar good gehuer. Wet vuul van greunte.

Gerard Peeters



Frans
Getrouwde met Ada en zuut 't heej neet miér zitte. Is op zeuk nao 'joie de vivre'.

Harold Baur

**Geluud en leech
wuurd verzörg door:**



PURPLE

GROUP

PARTNER IN LICHT- EN GELUDSPRODUCTIES

**Amalia**

Kump oët
Bliërick en
is getrouwde
met Lei, llop 'n
bietje naeve de
schoon.

Annet Peeters**Lei**

Riëke stinker oët
de stad. Praot
'holands en plat'.
Eige zaak en riet
in 'nne Bentley!

Willem Gerats**Florian**

Zoon van Lei en
Amalia. Is 'nne
echte flierefluitier
en kin good met
belkes goeje.

Ivo Haanen**Chrisje**

Dochter van Lei
en Amalia.
Zwart schäöpke
van de femilie.
Vindt alles
belachelik.

**Ruuth
Lucassen****Jeuken**


Is van de bouw-
vereiniging en
kin de foute
weer oplosse.
Kin good met
belkes goeje.

Jan Wilmer**Bernd Stoter,**

Huurde geej
veugelkes,
motorgerônk
of andere
geluudjes,
dan komme
die van

Franse gast(t)

op 't camping-
terras

**Leo Janssen,**
Decorbouw

Waas
bussjeffeur
op de
filmdaag
en speult
bussjeffeur

Roel Derckx,
Bussjeffeur

Aoh wat fijn

(J'attendrai - Rina Katty)

Aoh, wat fijn,
In Frankriëk zoë saame met idderein,
Det is fijn,
Aoh, wat good,
Stel dich veur det ik thoës in dae raegen zoot,
Det is good.
In zôn campingsfeer,
Op dien bes, zônder stress,
Dae kump straks waal weer,
Aoh wat fijn, aoh wat good, heej beejein.

Zoë kumpse nörges, de bliefs maar thoës,
Dan zitse örges hiel wiëd van hoës,
Zeg ens wie kump det, det 't net is
Asof ze heej al maonde bis.

Ein wienke drinke, of zeut of drueg,
En noow neet dinke aan morgevruug,
Dae is nog vaer,
Dæ gaon we weer:



Spesjale Gaste 2015



VG D'n Oeles oët Tegele haet maar
leefs viëf dansgroepe in de laeftiëd van
zes tot achtien jaor. Die traeje neet al-
lein op beej vastelaovesactiviteite van
D'n Oeles, maar kinne gevraog waere
beej allerhands gelaegenhede in de ge-
meente Venlo (Miér informatie op de
site van D'n Oeles)

De Flarussen priëze zich gelökkig dees
maedjes in eur veurstelling te kinne
laote optraeje en zien d'r van euvertuug
det ze eur beste beinke zulle veurzette.



Colofon

Vormgaevung:
Redactie:

Fotografie:

Korreksie/spelling:

Wil Coopmans
Gerard Gielen
John Janssen
André Schellen
John Janssen
Peter Jansen

Rippetties



Veurgood gedaon

(Wir wollen niemals auseinandergehen - Heidi Brühl)

Kiëk, wie de minse zich kwaele,
Det nemus vanein wat kin faele,
Det kump auk nog allemaal fijn op tv,
Altiëd maar schelde en klage,
Ze kinne gaar nijs miér verdrage,
Van riejende rechter wies aan 't diner,
Neet genôg van te kriege,
Laot ôs dao maar van zwiëge,
Want genne mins kin nog laeve
Gans zônder vergaeve,
Jao, net zoë wie weej



Zoë gans allein is noow veurgood gedaon,
Ik laot vanaaf vandaag dich nimmer gaon,
Wie lang 't haet gedeurd, wat d'r auk is gebeurd,
Zoë gans allein is noow veurgood gedaon.
Ôzzen band blief bestaan,
Zoë gans allein is noow veurgood gedaon.

Vanaaf vandaag wuurd nimmer weg gegaon,
Det maffe zwerve is veurgood gedaon.
Geisdich van mich vandaan, kiëk ik dich noeit miér aan,
Asse det duis, dan laup maar nao de maon.

SPONSOR

mgne
MG NE-Produkthandel GmbH

SPONSOR



Orkes




Links veur: **Jack Theunissen**, basgitaar
 Achter um zonder instrument: **Jeroen Buskes**, keyboard
 Naeve um staon ik, de knapste van ut stel: **Huub Jessen**, tenorsax
 Achter mich: **Louise vd Brand**, trompet
 Veur naeve Jack: **André Binders**, trombone
 Veur naeve André: **Wim Martens**, trompet
 Achterdoor: **André Schouren**, drums
 Staond in ut midde, de muzikaal lijder: **Wiel Vervoort**, altsax
 Naeve Wiel op de veurgrônd: **Marc van Bussel**, gitaar
 Dao naeve: **Herm Jessen**, trombone

Kômp geej d'r neet oët ... Huub Jessen vraoge!



Kump dae heej KaoKe?

**Spesjale
Gas
2015**



ADVERTENTIE

GEVÔNDE!

ADVERTENTIE

Kôm bitterballe aete

beej Sjonne en Anita

ADVERTENTIE

**Aaf te haole
Twiede
hands
broëds
boeket**

Campinglaeve

(*La petite tonkinoise - Josephine Baker*)

Det ôs zoewat is gegaeve,
 De gansen daag heej in det Franse campinglaeve,
 De verveels dich gen moment heej,
 Want d'r kump van alles naeve,
 En dan weit ik van gen wiëke,
 Want alle minse heej die wil ik gaer bekiëke
 Jao det is een moeie sport,
 Auge kumpse heej tekort,

Uich daen bekker, dae is lekker,
 Meinse dae of ziene mik?
 Jao det woel ik waal probere,
 Dao ein bruëdje mei te smaere,
 En uich hae dao, naeve dae dao,
 Geit nao 't nudistestrand,
 Dae geit zwumme en dan zônder
 Zwumbôks zitte in det zand.

Dae dao ginder, duit neet minder,
 Zit al aan zien zesde glas,
 As dae neet gauw in geit binde
 Kin dae zien tent nimmer vinde
 Kiëk daen eine, jao dae kleine,
 Duit 't oët de losse hand,
 Maar van al det jeu de boele,
 Haet dae gennen bal verstand.



EfKes 'n filmke make



Wao is de kiës?

(Non, je ne regrette rien - Edith Piaf)

Is ôs leefde veurbeej? Is gedauf al det veur?
't Gelök nimmer heej? Nao ein andere deur?

's Morges aan 't ôntbijt veul ik det 't mich dreit,
As dich aan taofel bis, zeen ik det ik wat mis:

Wao is de kiës? Wao is dae lekkere kiës?
'k Hoof gen wors, 'k hoof gen ei,
Gen ruikvleis en gen laeverpastei,

Wao is de kiës? Wao is dae lekkere kiës?
De's veur mich en veur dich 't gelök:
Gesneje, of aan ein stök.



**Spesiale Gas
2015**



Marian Kump Kiëke

ADVERTENTIE

**Kiës oët
ut vuuske
ut kiësmenke
(auk franse kiës)**



SPONSOR

**DRUKKERIJ
KNOOPS**



En
d'n
oscar
geit
não ...

SPONSOR



Franse jungskes

(bei mir bist du schön – andrews sisters)

In Holland waas nijs te vinde,
Want idder jungskes det ik dao kinde,
Dae streepde ik hiel wiës, zoëmaar van de liës,
Maar heej is 't altiëd priës!


Gaston en Jean-Pierre, die heb ik toch zoë gaer,
Die weite precies waat leefde is
Philippe en Francois, die zien zoë oh la la,
De wets hielemaol neet waasse mis,
Die zien toch tiën kiër baeter as dae Jan of Kees of Hans,
Allein al daorum doon ik 't vuul leever zoë gans op zien Frans.
Armand of Fabrice, det is toch miene sies,
Die Franse jungskes zien 't gans.

Alain en Gregoire, die vinde gaar nijs raar
Die weite precies waat leefde is,
Didier en Henri gaon altiëd wie nog nie
De wets hielemaol neet waasse mis.
Die zien toch tiën kiër baeter as dae Jan of Kees of Hans,
Allein al daorum doon ik 't vuul leever zoë gans op zien Frans
Hector en Jean Jacques, die zien gans miene smaak,
Die Franse jungskes zien 't gans.

Michel en Gustave zien god zij dank neet braaf,
Die weite precies waat leefde is,
Maurice en Antoine die kinne d'r wat van,
De wets hielemaol neet waasse mis.
Die zien toch tiën kiër baeter as dae Jan of Kees of Hans,
Allein al daorum doon ik 't vuul leever zoë gans op zien Frans
Maurice en Victor die gaon maar altiëd door
Die Franse jungskes zien 't gans.



Spesjale
Gaste
2015



Les Soeurs des Legumes

SPONSOR

Evan enckevert
groothandel in bouwverstand

SponsorKemissie

Vive la France

(Pour un flirt - Michel Delpech)

Lalala etc Vive La France

Asse wis, wie 't is,
Hadse dit neet gaer gemis,
De's 't gans, Vive La France,
Wat ein weer, wat ein sfeer,
Volgend jaor weer gaer heej haer,
De's 't gans, Vive La France.

Oeh, neet veur toujours, Zeg maar besjoer,
Vive La France.
Oui, mak mich neet blie, 't is fini,
Vive La France.

Lalala etc Vive La France

Heej op sjouw, is neet flauw,
Want ze kiëke neet zoë nauw
Des 't gans, Vive La France
En toujours auch l'amour,
Det is heej neet zonne toer,
Altied sjans, Vive La France,

Oeh, neet veur toujours, Zeg maar besjoer,
Vive La France.
Oui, mak mich neet blie, 't is fini,
Vive La France.



ADVERTENTIE

De leukste vekantie viert geej beej

Domaine du Verdome

François et Ada (Frans en Ada)

BERICHT



ADVERTENTIE



Van links nao rechts: John Janssen, Resy Wolters, Marcel Kikken, Gerian Berden, Joop Overbeke

Al jaore waere mien vrouw Diana en ik oëtgenuedig door eine Sôkkerome en Sôkkertante um as gas mei te gaon nao een veurstelling van De Flarussen.

Iddere veurstelling is eenen aovend van humor en herkinbare Bliërickse situaties, gespeuld door een aantal gooie speulers, die auch bekend zien in de Bliërickse samelaeving.

Nao ein gesprek met de penningmeester kwaam ik d'r achter det zôn produksie neet allein vuul tiëd vrueg van de speulers, decorbouwers, kleidingcommissie en andere leeje, maar det 't ook einen aanslaag is op de financiële middele.

Daorum heb ik aangebaaje um iets veur dees gezellige sociëteit te gaon doon. In mei vroog de veurzitter mich um de sponsorcommissie te gaon versterke. Saame met de bestaonde commissieleeje (kiëk de foto) is d'r ein liës gemak van meugelikke kandidate en zien we op paad gegaon.

Beej deze wil ik alle sponsore hertelik bedanke veur eur beejdrage.

Weej haope in de toekoms nog ens ein beroop te meuge doon op dees belangrike ôndernemers.

Joop Overbeke, names de sponsorcommissie

Kóm mei!

Wuurt
gesponsord
door:



Omes en Tantes

Aannemersbedrijf Gebr. Swillens
Adecco Uitzendburo
Arie Nooyen
Avance Venlo
ASLB Automatiseringsdiensten
Blerickse Krant
Bloemsierkunst Jan Grubben
Bruidsmode Engels
Café Apollo
Café De Paerdskoel
De Zithoek
Deinum Autobedrijf
Dhr. Theo van Asten
Haarstudio Halferkamps
Hansactie
Hardwareshop Limburg
Hoeijmakers Groep
Horse Service International bv
Imming Horecabenodigdheden
Jan Bouter Tweewielers
José Dückers Gelegenheidskleding
Kies Mondzorg
Kuipers Autostofferderij
My 35
Net Site ICT
Notariskantoor Moonen
Perry Promotions
Petatte Wiel
Peters-Cabooter Herenmode
Pia Kaas en Delicatessen

Restaurant de Cantharel

RHB
Rutten Autorijschool
Rutten Naaimachines
Scogo
Sluis Leder
Translog Venlo
Tebben Kaas
Van Beek Van Heyster beheer
Van Heyster schoenen Venlo
Vishandel Ed & Dave
Winkelcentrum De Wieën
Ambaum Arbeids Analyse
PTS Technische Service
Dirckx Electronics Baarlo
Ben Eilers Tenten BV

Paetomes en Paettantes

ABN Amro Bank n.v.
Aete beej Hubert
AMI
Bakkerij Pijpers
Café Feestzaal De Boostenhof
Bosman Tandtechnisch Laboratorium
Brunken Timmerwerken
Covebo
DSV Road BV
FM Tyres
Geer van de Veer
Hoefnagels Metals & Recycling

Jansen Sales b.v.

La Vita Sana
Maashof
Peter Hendrickx Uitvaartverzorging
Van Heyster Blerick bv
Vostermans Compagnie
Louis Huys Transport & Kraanverhuur
Berden Mode
Arton Dekkleden en Reclame

Sôkkeromes en Sôkkertantes

AKS bouw
Bekkerie ut Bruëdje
Drogisterij Seuren
Drukkerij Knoops
Bonte Was
CAS Exhibition Partners
Purple group

Bestevaders

ADMIE
ALETO Touringcars
AB Aluminium Solar BV
Imbalí Metals
Metaalketen Zuid
MG NE
Prisma Solar Project
't Raodhoes
Van Enckevort Groep
NIBO Stone
Spaeter Duisburg



Flarusseliedje
(teks en meziëk: Peter Jansen)

Heej zien de Flarusse, de Flarusse de Flarusse
Heej zien de Flarusse, de Flarusse, veur ôg!

Wat weej bringe, wat weej zinge
Zien oët Bliërick allerhande dinge,
Wat heej gedach is, wat heej gezag is,
Hebbe weej beejein gezôch,
Heej zien de Flarusse, de Flarusse veur ôg!

Weej hebbe ech allein benöl,
Van al wat krangs, verkiërd of raar is,
En helt geej van dae flauwekol,
Zeet geej zelf auk eine flarus.

Heej zien de Flarusse, de Flarusse de Flarusse
Heej zien de Flarusse, de Flarusse, veur ôg!

Wat weej bringe, wat weej zinge
Zien oët Bliërick allerhande dinge,
Wat heej gedach is, wat heej gezag is,
Hebbe weej beejein gezôch,
Heej zien de Flarusse, de Flarusse, veur ôg!